

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. मुख्यमंत्री ओमर अब्दुल्ला होरें पहलगाम दी बायसरन घाटी च मारे गेदे बेदोसे लोकें दी सम्हालै च इक स्मारक बनवाने दा ऐलान कीता ऐ। मुख्यमंत्री होर अज्ज गुलमर्ग च अपने मंत्रिं ते प्रशासनिक सचिवें दी इक बैठक दी प्रधानता करडन।
2. उत्तर रेलवे दे जम्मू डिवीजन नै अपने 200 शा मते मलाज़में गी आपरेशन सिंदूर दरान उं'दी बेमिसाल सेवाएं लेई सम्मानित कीता गेआ ऐ।
3. बॉलीवुड अदाकारा हुमा कुरैशी, आर.एस. पुरा दी ऑक्ट्राय पोस्ट पर अज्ज आयोजित कीते जाने आहले सांस्कृतिक संध्या कार्यक्रमें च शामिल होडन। ओह् थेआरबंद बलें ते पाकिस्तानी गोलाबारी दी मारै हेठ आए दे परोआरें कन्नै बी मलाटी करडन।
4. डोगरी भाशा दे मन्ने-परमन्ने दे लखारी प्रोफेसर ललित मंगोत्रा होरें'गी कल नमीं दिल्ली च पद्मश्री पुरस्कार कन्नै सम्मानित कीता गेआ।
5. समाज कल्याण मंत्री सकीना इतू होरें पट्टी दर्ज जातिं, जनजातिं ते पच्छड़े तबकें दे विकास सरबन्धी कारपोरेशन दे डरैक्टरें दे बोर्ड दी 45मीं बैठक दी प्रधानता कीती।
हून खबरें दी तफसील कन्नै श्रुति खजूरिया।

<><><><><><>

CM-Memorial

जम्मू-कश्मीर दे मुखमन्त्री उमर अब्दुल्ला होरें दक्खणी कश्मीर दे अनंतनाग जिले च पैहलगाम कश बैसरन घाटी च 22 अप्रैल आहले आतंकी हमले च जान मोआने आहले 26 लोकें दे चेते च इक स्मारक बनाने दा ऐलान कीता ऐ। उनें आखेआ जे एह स्मार्क एह चेता करोआग जे इयें नेह हमले दे पीड़ितें गी कदे बी भुलाया नेई जाग। हमले दी निंदेआ करदे होई उनें आखेआ जे पीड़ित परोआरें कन्नै उंदी पूरी हमदर्दी ऐ। जिनें लोकें इस हमले च जान मुहाई उनेंगी अस नमन करने आं। उनें आखेआ।

.....बाईट.....

मुख्य भरें दे ट्रैवल ते टूर आपरेटर्स दे किट्ठ गी संबोधित करदे होई मुखमन्त्री होरें जम्मू-कश्मीर च सैलसफा गी बढ़ावा देने दी जरूरता पर जोर पाया ते आखेआ।

.....बाईट.....

टूर आपरेटर्स प्रति आभात व्यक्त करदे होई मुखमन्त्री होरें आखेआ।

.....बाईट.....

<><><><><><>

CM-Gulmarg Meeting

मुखमन्त्री उमर अब्दुल्ला होर अज्ज गुलमर्ग च मंत्रिणें ते प्रशासनिक सचिवें दी बैठक दी अध्यक्षता करडन। एह सब किश रमानदारी बहाली दे जत्नें तैहत गै कीता जा'रदा ऐ। अधिकारिक बयानै मूजब इस बैठक दा मकसद डर-त्राह गी खत्म करने ते लोकें च सुरक्षा ते

विश्वास बहाली आहली भावना गी पैदा करना ऐ। इनें जत्नें दा मकसद सैलसफा च नमें सिरेआ जान भरना ते कश्मीर च आर्थिक गतिविधिं गी बढ़ावा देना ऐ। एहदे थवां पैहले कल मुखमंत्री होरें पहलगाम च कैबिनेट मीटिंग लाई। उनें आखेआ जे एह छड़ी बैठक नेई ऐ, सगुआं आतंकवाद खिलाफ सख्त स्नेहा ऐ। मुखमंत्री होरें नुनवन आधार शिविर दा दौरा लाइयै श्री अमरनाथ जी दी जातरा दी तयारिं दा जायजा लैता। उनें साइकलिंग करिए पर्यावरण अनुकूल सैलसफा दा स्नेहा दिता ते सैलसफा मैहकमे दे जत्नें गी बी उजागर कीता।

<><><><><><>

Railway-Falication (byte)

उत्तर रेलवे दे जम्मू डिवीजन दे परिचालन ते बवसायिक विभाग दे 200 शा मते मलाज़में गी आपरेशन सिंदूर दरान उं'दी बेमिसाल सेवाएं लेई सम्मानित कीता गेआ ऐ। इस सरबंथे च आयोजित सम्मान समारोह दरान ओकड़े तकरीबन 200 मुलाज़में गी आपरेशन सिंदूर दरान रेलगड्डिं दे निर्विघ्न ढंगे सिर संचालन ते जातरिं दी सुरक्षा जकीनी बनाने लेई सम्मान दिता गेआ ऐ। आपरेशन सिंदूर ज्नेह महत्वपूर्ण समें दरान इ'नें मुलाज़में आसेआ अपनी ड्यूटी दे प्रति दस्सी गेदी निष्ठा इस गल्लै गी दर्शादी ऐ जे उ'नें पूरे पेशेवराना ढंगे कन्नै रेल सेवाएं गी बवस्थित बनाई रखने च बड़ी महत्वपूर्ण भूमिका अदा कीती ऐ। आकाशवाणी समाचार जम्मू कन्नै इस सरबंथे च चेचे तौर पर गल्ल करदे होई रेलवे दे डिवीजनल मैनेजर विवेक कुमार होरें आखेआ

..... बाईट

<><><><><><>

Huma-Qureshi R S Pura

बॉलीवुड अदाकारा हुमा कुरैशी, सैलसफा विभाग जम्मू आसेआ अज्ज आयोजित कीते जाने आहले सांस्कृतिक संध्या कार्यक्रमै च मुख परौहने दे तौरा पर शामिल होडन। एह कार्यक्रम जम्मू थमां तकरीबन 30 किलोमीटर दे छिंडे पर आर.एस. पुरा दी सुचेतगढ़ थाह ऑक्ट्राय पोस्ट पर अज्ज आयोजित कीता जा'रदा ऐ। हुमा कुरैशी होर आपरेशन सिंदूर दरान बन्ने पर तैनात रेड़यै देसै दी हिफाजत जकीनी बनाने आहले सशस्त्र बलें कन्नै गल्लबात करडन। एहदे अलावा ओह पाकिस्तानी गोलाबारी करी प्रभावित होए दे परोआरें कन्नै बी मलाटी करडन। इस कार्यक्रम दा आयोजन जम्मू च सैलसफा दे बाददे दे मकसद कन्नै कीता जा'रदा ऐ। इस कार्यक्रम च शामिल होने आस्तै प्रवेश मुफ्त रखेआ गेदा ऐ।

<><><><><><>

ते हुन बाकि दिएं खबरें कन्नै विजय बजाज।

<><><><><><>

Prof. Magotra Award

राष्ट्रपति द्रौपदी मुर्मू होरें कल संज्ञा आयोजित कार्यक्रम च प्रो. ललित मंगोत्रा होरें गी डोगरी साहित्य ते शिक्षा दे क्षेत्र च योगदान लेई पदम श्री कन्नै सम्मानित कीता। पराने जम्मू शैहर दी फतू चौगान थाहर दे रौहने आहले प्रो. मंगोत्रा होर पिछले 50एं बरें थवां डोगरी भाशा गी बढ़ावा देने च योगदान देआ करदे न। 1970 च उनें डोगरी च पैहली लघु कहानी लिखी। उनें गी कई सारे अवार्ड ते सम्मान बी हासिल होई चुके देन जिंदे च साहित्य अकादमी अवार्ड ते जेएण्डके स्टेट अवार्ड शामिल न। प्रो. मंगोत्रा होर डोगरी संस्था दे प्रधान बी हैंन। आकाशवाणी समाचार कन्नै गल्ल करदे होई पदम श्री प्रो. ललित मंगोत्रा होरें आखेआ।

<><><><><><>

JKSCST-BS Itoor

समाज कल्याण मंत्री सकीना इतू होरें जम्मू-कश्मीर अनुसूचित जाति, अनुसूचित जनजाति ते पिछड़े वर्गें सरबन्धी विकास सरबन्धी कारपोरेशन दी 45मीं बोर्ड ऑफ डायलेक्टर्स दी बैठक दी अध्यक्षता कीती। एह बैठक सिविल सचिवालय श्रीनगर च लग्गीं अध्यक्ष दे तौर पर उनें कारपोरेशन दी प्रगति ते एस.सी, एस.टी, बैकवर्ड क्लासेस गी उबड़ा चुक्कने लेई कीते जाऽरदे इंतजामें दा जायजा लैता। उनें लोकें तगर पुज्ज बदाने, दोआर कर्जे आहली प्रक्रिया गी बवस्थित बाने ते समाज कल्याण सरबन्धी स्कीमें च पारदर्शिता बदाने पर जोर पाया। उनें दबोए लतड़ोए दे बे-गौरे लोकें गी हुनर विकास राएं माली मदाद ते उद्यमियता सरबन्धी मदाद राएं सशक्त बनाने पर जोर पाया।

<><><><><><>

Reasi-Amarnath Yatra

रियासी दिएं डिप्टी कमिशनर निधि मलिक होरें औंदी श्री अमरनाथ जी दी जातरा लेई तैयारिएं दा जायजा लैने गितै इक उच्ची-सतह दी बैठक दी कल प्रधानता कीती। बैठक दा मकसद, इस सलाना जातरा गी सुरक्षित ते बवस्थित ढंग्गें सिर करोआने च शामिल सब्भनें मैहकमें ते एजेंसिएं बश्कार बेहतर तालमेल जकीनी बनाना हा। डिप्टी कमिशनर होरें तजवीज़ कीते गेदे कम्में ते उं'दी मजूदा स्थिति दा मैहकमें स्हाबै तफसीली जायजा लैता। उ'नें सब्भनें ऐहलकारें गी हिदायतां दित्तिआं जे ओह टैंडर सरबन्धी प्रक्रिया च तेजी आहनन तांजे जातरा शुरु होने शा पैहले गै ढांचागत सुविधाएं ते सेवाएं गी पूरी चाल्ली चालू कीता जाना जकीनी बनाया जाई सकै।

<><><><><><>

Kishtwar-Machail Yatra

किश्तवाड़ दे डिप्टी कमिशनर राजेश कुमार शवन होरें सब्भनैं मुतल्लका मैहकमें गी आखेआ ऐ जे ओह् ओंदी श्री मचेल माता दी जातरा दरान सब्भनैं नागरिक सुविधाएं दी दस्तयाबी पर नेड़मी तक्क रक्खन। उंनैं पाड्डर दे एसडीएम होरेंगी आखेआ ऐ जे ओह् सब्भनैं जरूरी सुविधाएं जि'आं पीने आहले पानी, शौचालयें ते बिजली वगैरा दी बवस्था दी निगरानी करन। एह्दे अलावा एसडीएम होरेंगी इब्बी आखेआ गेआ ऐ जे ओह् श्री मां चंडी सेवक संस्था दे सदस्यें आहले डेलीगेशन थमां बी प्रतिक्रियां हासल करन। डेलीगेशन दे सदस्यें डिप्टी कमिशनर होरेंगी उं'दे हाल दे मचेल गां दे दौरे दरान सामने आए दे मामलें बारै अवगत करोआया।

<><><><><><>